



THE DAYBREAK.

"Wankantanhan Anpao kin hiyounhipi."--Luke 1. 78.

VOL. XXV

FOREST CITY, SO. DAK., JULY, 1910

NO. 10

Bishop Johnson wanna wayao-tanin na tokata August wi wiya-wapi 26, 27, na 28 icunhan, Niobrara Convocation kin he Greenwood (Ihanktonwan Owakpamni) ekta omniciye kta. Nahan Aug. 30 na 31 icunhan Mitchell S. D. ekta Triennial (Omaka' iciyamni) Convocation econpi kta, keya.

Tehan mašte, na tate okata la-kaš wašicun nihinci-yapi, wojupi kin icagin kte šni, na peji waničin kta ikopapi. Ho tka lecala tanyan magaju na taku oyasin tanyan kta iteka.

Theodore Roosevelt, Tunkansilayapi qon, na enakiye cin itayena Africa makoce ekta taku itu unpi kin wicakute omani wanna United States ekta gli. Glicu icunhan makoce toktokeca iyaza omani, na icunhan oyatepi kin lila yuonihanpi.

Hekta April wi qon Sioux Falls ekta Bishop Hare on wokiksuye wocekiye econpi qonhan Wicaša wakan na wicaša ikceka mniciyapi na icunhan All Saints School ekta tipi wan mazaska 10.000 kipiya mnayanpi kta, na Bishop Hare on wokiksuye kta e kagapi kta iye-ceca eyapi, nahan ecetu kta e Bishop Johnson iye Committee wicakalnige kta yuštampi.

Yunkan Bishop Johnson Committee wicakalnige cin lena eepi: Very Rev. Geo. Biller, Jr., Mr. E. A. Sherman, Mr. J. H. Gates, Sioux Falls etanhan; Mr. H. P. Packard, Redfield; Rev. B. S. McKenzie na Mr. M. P. Ohlman, Yankton etanhan; Mr. J. H. Campbell, Huron; Hon. C. H. Burke, Pierre; Rev. Robert Doherty, Flandreau; Rev. E. Ashley, Cheyenne Agency; Rev. W. Holmes, Santee Agency; Mr. Alfred Smith, Greenwood; Rev. M. F. Montgomery, Lead; Mr. D. A. McPherson, Deadwood; Mr. E. R. Juckett, Hot Springs; Rev. H. N. Tragitt, Milbank; Mr. H. D. Walrath, Watertown; Mr. C. F. Danforth, Parker; Mr. P. W. Dougherty, Dell Rapids.

Iwankab tona cajewicayatapi kin taku on wicakalnigapi kin iyohila iyowiničiyapi kta icewicakiyapi, nahan tokel econpi kta pica hecinhan tokata July wi wiyawapi išakpe kinhan Sioux Falls ekta himniciye wicašipi.

Ho lecel wicunki-yuotaninpi kin on etanhan oyasin wakta unpi wašte kinhan Committee kin tokel iyukeanpi hecinhan tokata yataninpi kta.

Hot Springs S. D. June 14, 1910, St. Luke's Tipi wakan oğna, Rev. Harry S. Paynter, Priest econšipi, Bishop Johnson iye ca econši. Rev. G. S. Keeler, Rapid City etanhan kai; Rev. A. W. Bell, Spearfish etanhan Litany kin yawa; Rev. R. N. Beckett, Jackson, Wy., etanhan Wowapi kin yawa; Na Wyoming obašpe etanhan Bishop Thomas he waekonwicakiya.

Shangung, China ekta Owayawa glepi kin, koškalaka opawinge yamni opapi, na hena etanhan opawinge sanpa akešakpe wicaša wakanpi kta e onspeičiciyapi kta keyapi. China makoce kin ataya el wacekiye wicaša koktopawinge yamni, sam opawinge nom sam wikeemna šakowin. Omaka šakowin eca Pecokan hanska wocekiye opapi kin nom akigle igluotapi, nahan omaka wikeemna canna wacekiye wicaša kin iš eya nonpa aki-gle igluotapi ecee.

Continued on page 4.

Bishop wašte kin tukten lipaye cin ekta wanglag ipi wan Aupao kin oyake eeen Winyan omniciye unpi kin ekta taku yamni yatanin ciši kte.

Tokaheya, Bishop okinhan unkitawapi kin tukten lipi kin hecen wokiksuye on wocekiye econpi kta yaotaninpi ca Pine Ridge etanhan winyan zaptan, na Wicaša wakan nom hena ekta unkipi. Bishop wašte unkitawapi qon tohan wan-kantuya yuonihanpi kin wanunyakapi. Tipi wakan itancan kin oğna kinhan wocekiye econpi na iglutanpi el lowanpi kin hena to-

kaheya lowan yapi, na hehan wicaša wakan kin, na oyate kin na tukte Bishop okinhan unkitawapi qon lipaye cin en okšan enajin lowanpi. Olowan unkitawapi en 65 he abiyayapi. Oiyokipi na ake lila oiyokišica. Bishop wašte unkitawapi lipaye cin ohimni cante šicapi on cencanye ištaminigaga naunjinpi kin icunhan nakun taku wanjikji awaciū on kiksuya naunjinpi nacece, miše taku ota on kiksuya nawajin. Iyotan ca awacanmi, tohana Convocation econqonpi can Bishop cokata najin na ohomni naunjinpi na kici unlowanpi na waceunki-yapi hehana wahokonunki-yapi sa. Tancan kin maka mahel yunke na ohomni naunjinpi kin le ibanke lecel naunjinpi sece ecanmi, na icunhan eye kin heye naceca. Ignuhan cante ni icapi kin, Wankantanka wicayalapi na miš nakun wicamalapi na taku eciciyapi kin hena tanyan luhapi kin ake wanmayalakapi kte, eye se. Yunkan wicawala na han epe. El ake wacekiyapi na en Bishop itancan kin Bishop Tuttle, he Bishop unkitawapi on wowahokonkiye. Ake oyasin el ceyapi na enakiyapi el 10 oclock wanna henakeca, na lila hanwinyanpa oiyokipi canke Bishop lipaye cin tanyan taninyan lipaye, ataya wanalicica ojula wašte-mna yunke canke ake el unhipi na ohomni naunjinpi. Mr. and Mrs. Ross, na Mr. and Mrs. Burt, na Mrs. Lecesert hehana wanalicica kin wanjikji unki-cupi.

Mitakuyepi, winyan yaunpi kin niš eya henicecapi naceca. Bishop wašte unkitawapi kin nabalici maka akan niun kici wau na on tukten tancan lipaye cin wanblake kte lici na ecamon, na wanna wicawala. Okicize wašte kin ecamon, woinyanke kin ihuniwakiye, wacinyanpi kin he gluha wau (2 Tim. 4: 1) eye se yunke.

Icinonpa kin, he St. Mary Chapel el unpi kin ohinniyan tanyan škanpi. Le waniyetu kin lila osni na wašme kin on inkpata tipi kin wokagege unpi okihipi šni, yunkan eya tamazaskapi mnakiyapi na Chanceel carpet wan lila wašte opetonpi, na he Tipi wakan kin Easter waqupi keyapi, nakun oomani kin oğna owinjapi wan ko winyan unma wakagege haupi qon

hena owicakiyapi šni surprise unyanpi cinpi canke iyecel econqonpi. Easter hinhana el wacekiye unhipi yunkan wanunyakapi na lila icante unwaštepi, icunhan nakun el kiciyuzapi econpi canke lila wiunyuškinpi. \$31.90 henakeca iyoepiyapi, yunkan winyan kin lena wowapi wakan el taku eye cin wanji oğna econpi wala, Wankantanka wowaonšila oyasin niyepi el niciyuotapi kta okihi hecin taku oyasin ota luhapi kin on wicohan wašte kin walupikapi kte. 2 Kor. 9: 8.

Iciyamni kin, Winyan itancan unkitawapi kin, Mrs. Lambert, Anpao kin okiye unšipi, na token econpi wašte kin unkiyutaninpi qon wanna tokeške yahanpi ka he. Tancan kin maka mahel yunke na ohomni naunjinpi kin le ibanke lecel naunjinpi sece ecanmi, na icunhan eye kin heye naceca. Ignuhan cante ni icapi kin, Wankantanka wicayalapi na miš nakun wicamalapi na taku eciciyapi kin hena tanyan luhapi kin ake wanmayalakapi kte, eye se. Yunkan wicawala na han epe. El ake wacekiyapi na en Bishop itancan kin Bishop Tuttle, he Bishop unkitawapi on wowahokonkiye. Ake oyasin el ceyapi na enakiyapi el 10 oclock wanna henakeca, na lila hanwinyanpa oiyokipi canke Bishop lipaye cin tanyan taninyan lipaye, ataya wanalicica ojula wašte-mna yunke canke ake el unhipi na ohomni naunjinpi. Mr. and Mrs. Ross, na Mr. and Mrs. Burt, na Mrs. Lecesert hehana wanalicica kin wanjikji unki-cupi.

Mitakuyepi, winyan yaunpi kin niš eya henicecapi naceca. Bishop wašte unkitawapi kin nabalici maka akan niun kici wau na on tukten tancan lipaye cin wanblake kte lici na ecamon, na wanna wicawala. Okicize wašte kin ecamon, woinyanke kin ihuniwakiye, wacinyanpi kin he gluha wau (2 Tim. 4: 1) eye se yunke.

Icinonpa kin, he St. Mary Chapel el unpi kin ohinniyan tanyan škanpi. Le waniyetu kin lila osni na wašme kin on inkpata tipi kin wokagege unpi okihipi šni, yunkan eya tamazaskapi mnakiyapi na Chanceel carpet wan lila wašte opetonpi, na he Tipi wakan kin Easter waqupi keyapi, nakun oomani kin oğna owinjapi wan ko winyan unma wakagege haupi qon

Mrs. Emma Vlaundry.

A. Wakantanka he Iye ca on
Cansin qupi, Wicasayatapi kin on

Mazaskazi qupi, na oyate oyasin on tin kte cin on Pejihuta waštemna qupi.

W. Juda oyate el taku on pejihuta waštemna ilagiyapi he.

A. Wicaŋe cin wicaliyapi kte cin on wicayuwiyeyapi.

W. Wakantanka Iye Cinhin-tku kin wicaša ksapa kin slolyewicakiye çon, towaonšila taku tanin he.

A. Ikcewicaša kin hena, Judah oyate ob, akiyecelya wowanikiye wicakipazopi kte cin he, na talicašunkala optaye wanjila kta, Waa-wanyake wanji ihukuya, Jesus Christ, hecel unpi kta wanna iye-nantu ca glutanin.

W. Ikcewicaša (Gentiles) ewicakiyapi kin hena tuwepi he.

A. Tona na tuwa kaeša, Moses toope yuhapi šni kin hena, Juda oyate hecel cajewicayatapi ecee.

W. Lehantu kinhan Ikcewicašapi kin tokel Christ wicakiyutaninpi he.

A. Wicaša Wakan ekta yewicašipi na onspewicakiyapi na Baptisma wicaqupi.

W. Yewicašipi oyanke he taku he.

A. He Okolakiciye wakan etanhan oyanke heca, tuktel Wicaša wakan wanji iš isanpa, egleti na hel Christ Wotanin wašte tawa oyagwicapi heca.

W. Yewicašipi kin he tokel icaliyapi he.

A. Tona Okolakiciye Wakan opapi kin on, icin iyohila tokel okihipi kin Wotanin wašte sam icagin kta e lila wawokiyapi kta iyececa.

W. Taku kin le on tokel Jesus woope wicaqu he. Matt. 10:8.

A. "Iyunwin cola iyacupi, iyunwin cola wicaqu po" eya.

Christ Tipi Wakan el aipi kin.

W. Christ Tipi Wakan el aipi wokiksuye kin tohantu he.

A. February wi wiyawapi inonpa, Christmas ohakab anpetu wikcemna topa ehanu.

W. Cinca tokapapi kin eciyatanhan, Juda woope kin he tokel eya he. Gli. 22:29.

A. Jehowa na Tipi wakan tawa el wicohan kin on wakan yawapi kta, tka cinpi kinhan wošnapawan on opetonpi kta eyapi. Wica. 18:15.

W. Juda oyate kin el cinca wan kicitonpi eca, ohakab anpetu wikcemna topa kinhan, on tokel econpi he.

A. Tipi Wakan el aipi na Jehowa qupi, naiš cinpi kinhan mazaska šeqel zaptan on opekitionpi.

W. Hunku kin yuskapi kte cin on taku wayušna he.

A. Talicašunka cincala wan, waniyetu wanjila, nahan wakiyela, naiš tilwakiyela wanji; tka walipanicin kin on talica cinca okihi šni kinhan wakiyela nomnala kicun kta. Lewi. 12:6.

W. Tokaca Wanikiya unkita-

wapi kin woope kin lena ohola he.

A. Woope kin ihukuya tonpi kin heon, nahan Iye toni kin el wakan cekiyapi eciyatanhan woope tona yuke cin ataninyan ohola kta e iyowiniçiye.

W. Jesus hunku kin lecel'ecela Itancan unyanpi kin yuwakanpi kin on taku unkonspepi he.

A. Lehan tona cinca yuhapi kin, iye econ kin ognayan econpi wašte, na cincapi kin Baptisma on Christ el awicaipi kta iyececa.

W. Jesus hokšila icunhan taku wanjila econ oyakapi kin tuktel iyeyaya he. Lukas 2:42, 46.

A. Waniyetu akenonpa qon Jesus hunku na Joseph Jerusalem ekta Woacakšin opapi kin ob iya-ye, na takuwicaye kiglapi eša iye hekta "Tipi Wakan el waonspek-iyapi kin wicacokab waanawicagoptan, na wiwiciyuh yanka."

Woonšpe Iwikcema yamni sanpa šakowin.

Wayautaninpi kin.

W. Wayautaninpi wokiksuye kin he tohantu he.

A. March wi wiyawapi wikcemna nonpa sanpa zaptan behantu.

W. "Mary Witanšna—un wašte kin Yaotaninpi" eyapi kin he tokel kapi he.

A. Gabriel Ogligle wakan kin Mary el hoši hi na Jesus Itancan kin he inayin kta keciye çon he.

W. Ogligle kin he tokel heciya he. Lukas 1:28.

A. "Wiyuškin wo, wašteya yaun kin; Itancan kin nciun; winyan owicapeya niya niyewaštepi ee" eya.

W. Gabriel Ogligle kin he Christ tonpi kte cin, tuwa tokali okiyaka he. Lukas 1:13-17.

A. Zacharias wawayušna kin he John, Christ itokab yin kte cin, tonpi kta okiyake çon he ehan.

W. Le ohakab watohan Gabriel he Jesus Mary inayin kta okiyaka he.

A. Wi šakpe. Lukas 1:26.

W. Nahan wayautaninpi wan le el taku awacinpi iyececa he. Matt. 1:21.

A. Itancan taogligle Joseph wokiyake çon he, na Mary cinca kin he maka Wanikiya hee kta eye cin he.

W. Tokel eciyapi kte cin, wokcanpi wanji tukte oyaka he. Isa. 7:14.

A. Isaya wokcan kin he, he Immanuel "Wakantanka unkici- un" eciyapi kta eye çon he.

W. Lukas wicowoyake tokaheya, na oegle 46 el woyatan olowan taku owapi he.

A. Ogligle wakan hoši kicahi kin ohakab Mary lowan qon hee, he "Magnificat" eciyapi, na iapi otokaheya, "Minagi Itancan kin yatan, na mitaniya kin he Wakantanka Wanikiya mitawa kin el iyuškin" eyapi kin on hecel eciyapi.

Wowiyuškin na Akihaniçiyapi Anpetu Yutokecapi kin.

W. Lent itokab Anpetu Wakan eciyamni kin he tokel eciyapi he.

A. Septuagesima, icin Easter itokab anpetu 70 ecetu.

W. Lent itokab Anpetu Wakan inonpa kin he tokel eyapi he.

A. Sexagesima, icin Easter itokab anpetu 60 ecetu.

W. Lent itokab Anpetu Wakan, iš tokel eyapi he.

A. Quinquagesima, icin he Easter itokab anpetu 50 ecetu.

W. Anpetu Wakan kin lena on Okolakiciye Wakan kin tokel ka he.

A. Christmas wowiyuškin na wotapi kin etanhan unkipanpi, na Lent omaka kin kiyela u kin on iglawiyeya unšipi.

W. Anpetu Wakan kin lena on Wowapi na Wotanin wašte kalini-gapi kin on tokel ayableza he.

A. Wowapi Wakan etanhan tuktel wicohan šica ŋekiyapi, woiyopeiçiya na wacantkiyapi cajyatapi kin hetanhan kalniçigapi he tanin.

W. Omaka iyohi Anpetu Wakan kin lena anpetu akiyecel iye-hantu he.

A. Hiya, lena Easter ikoyakapi na he Wokiksuye yutokanpi heca cajeyatapi.

W. Tokaca Easter, Wokiksuye yutokanpi heca he.

A. Jesus icipawel okatanpi qon hetanhan kini qon he slolya-yapi, na icunhan Juda oyate Woacakšin wohanpi kin he iyehan, na le oiyehantu tawa kin he hanhepi wi kin he ikoyake.

W. Hecel wowiyuškin na akihaniçiyapi wokiksuye yutokanpi kin hena taku he.

A. Wokiksuye anpetu tona Easter ikoyakapi na hetanhan yawapi kin, na Easter tokel yutokanpi ece kin hena iyecel yutokanpi.

W. Wokiksuye yutokanpi šni kin hena taku he.

A. Anpetu Wakan na Anpetu Wakan yawapi, tona Easter ikoyakapi šni, tka wiyawapi anpetu yaŋinsya ikoyakapi, Christmas, Wahošiye taanpetupi na toktokeca iyececa kin, hena ee.

Woonšpe Iwikcemna yamni sanpa šaglogan.

Lent.

W. Lent omaka kin he taku he.

A. Lent wicoie kin he, Saxon iapi etanhan, na wetu eyapi he kapi, na wicoie kin he Wetu Akihaniçiyapi wan, Easter itokab, Christian ahopapi he ogna cajeyatapi ece.

W. Akihaniçiyapi kin he tuktel etanhan icaga seca he.

A. Christian woecon toktokeca, Juda okolakiciye etanhan yuhapi kin, le hetanhan icaga naceca.

W. Taku wanji iyececa he.

A. Omaka iyohi Juda oyate

kin, woaltani kajujupi, naiš aka-lipetonpi anpetu on iglawiyeyapi kin he iyececa.

W. Le eciyatanhan tokel Lent akiyececa he.

A. Orehantu kin on iyececa, Wanikiya unkitawapi towiconŋe kin on maka woaltani akalipekiton anpetu kin itokab, anpetu wikcemna topa he iye-hantu.

W. Tokaca anpetu wikcemna topa kalniçigapi he.

A. Ehanna Woiyopeiçiya na Igluhukul iyeiçiyapi woecon kin on anpetu wikcemna topa ogna econpi.

W. Wowahokiciye tani kin etanhan wanjiçji cajeyata ye.

A. Moses na Elijah nopin anpetu henakeca akihaniçiyapi, na Ninewe oyate iyopeiçiyapi kte cin on anpetu wikcemna topa wicaqupi.

W. Le eciyatanhan Itancanunyanpi kin he tokel econ he.

A. "Jesus anpetu na hanhepi wikcemna tob akihaniçiya." Matt. 4:2.

W. Akihaniçiyapi kin le econpi kte cin taku on heconpi he.

A. Onsiçiyapi na iyopeiçiyapi kte cin he, tona awicakeya Christian hecapi kin woecon tawapi kin heon.

W. Ohinni taku ikopepica he.

A. Woecon kin lena econqunpi kte cin omaka watohan, yuonihan-yan econqunpi kta e kalniçigapi šni unkanš ataya unkakiktonjapi kte cin ee.

Andrus, So. Dak.

Dear Friend Anpao:

Crow Creek etanhan, Thomas R. Tail, wowaci kin he cajeyate, he on ito miš kaken iapi epin kta wacin. Christian owancaya yaunpi, wicoie kin de awacinpi kta wacin Daniel 5:1-31. Nebukadnezzar ŋe cin, hehan ake wicašayatapi wan tokeca, he Belšazzar, eciyapi. Nebukadnezzar he takojakpaku; tka iš eya ake Nebukadnezzar ohan kin iyececa. Walaniçida, qa nakun wakaçapi cekiya; unkan Belšazzar anpetu wan en wonwicaya, qa wicaša wijicapi qa wicaša tankapi, wicaša itancanpi ko wicota wicakico, qa hena wic-itokam miniša yatkan. Jerusalem en tipi wakan kin hetanhan Nebukadnezzar mazaskazi wiyatke, qa taku wašte ota icu qa hena iye to-tonwe kin en wakagapi tipi wan kde. Unkan Belšazzar wonwicaye cin he icunhan wiyatke kin hena hiyoye yewicaši, qa iye tawicu wicaye cin hena qa itancan wicayuhe cin hena ko om, wiyatke kin hena okna miniša yatkanpi, qa miniša yatkanpi kin he icunhan. Wakagapi wicakdepi kin hena nina wicakdatanpi. Belšazzar Wakantanka heceena wakan, qa ohan wanjiçji naŋon tka ohoda šni kin he Wakantanka šikda qa Belšazzar Wakantanka ohan wanji sdonya. Wicašayatapi ti okna miniša yatkanpi kin he icunhan, petijanjan

he cin iwankan tihepiya wicanape wan wowa wicasayatapi kin wanyaka. Wicasa e wanyake shi, tka wicanape wan ecena wowa e wanyaka. Hehan wicasayatapi kin nina yushinyeya. Nina inihan kin on cancan, qa hupahu kin nunpin iciyapa. Unkan oowa kin he wicoie topa, tka oyate kin tuwena yawa okihi shi, hehan iyotan Bel-sazzar nina inihan, qa nina icand-sica, qa itancan wicakiye cin nakun nina inihauipi. Unkan Bel-sazzar hunku wan he nahon qehan wicasayatapi yanke cin en hi, qa heya, "ihunhanna nina inihan kin Babulon otowe kin de en wicasa wan ksapa un ce. Daniel, eciyapi ce; he wahoyaye cinhan hi, qa taku kin de token kapi kin sdonye kta ce" eya. Unkan wanna Daniel wicasayatapi kin en aipi, hehan wicasayatapi kin heya. "Daniel, he niye he. Iho wanna wicasa wokcanpi kin owasin oowa kin de yawapi qa toketu kin oyakapi kta, tka tuwena okihi shi ce, tka nis taku dececa kes odaka oyakihe keyapi." Hehan Daniel ayupte ca heya; wicasayatapi kin heciya; Wakantanka canniyenian ce, wahannicida qa Wakantanka tipi wakan tawa kin etanhan wiyatke qeya on minisa ditke qa nakun Wakantanka ecena wakan kin he uyalion, tka ohoyada shi, qa wakagapi qeya e nina wicadatan kin hena Wakantanka shikda ce; qa wowa kin he kaken ka ce. Wicasayatapi qon he wanna henakeca kta ce, oyate tokeca wan azuniye ca niktena, qa makoce nici kta ce eya. Unkan ihtayetu hepiya wicasayatapi tokeca wan ozuye tanka hduha, Babylon otowe kin iyolipaye, qa Bel-sazzar, wicasayatapi qon ktepi, qa makoce kin he ohia. Hehan Wakantanka token eye cigon owasin iyecetu.

Dakota oyate unqonpi kin wanna wocekiye sdounyanpi. Wakantanka yukan wicaundapi, qa unna-gipi nikta uncinpi qa wocekiye qunpapi qa taku sice cin unkayustanpi kta unkicizonzapi. Ho tka wowaci kin he isakim wasagya u, dekas Christian, ota wocekiye akiktonsh wicaya. Waci wicasapi hena Wakantanka yukan e sdodyapi. Wocekiye tawa kin ohinni nahonpi, qa wowahokonkiye nahon icagapi, tka wowicada takuna iyuhapi shi. Wicasa wastepi tapi qa nigipi kin he toked makoce wan waste ekta unnaiciyapi ce. Eya he nahonpi esa wicadapi shi, qa iye tapi qa nagipi tawapi maka akan iyotiyekiya unpi keyapi, tka hecetu shi, ee tokiya (Satan) wicayuha yanke qa kakisha wicakuwa, tka sdodyapi shi he on. Maka akan niunpi kin icunhan wocekiye kin yasiciapi, qa iye wowaci tawapi kin nina kdawastepi, qa kdatanpi; wowasake yuhapi icidapi qa tankaiciidapi, qa wahanicidapi, qa ohanketa. Wakantanka tipi wakan tawa kin etanhan hante qon

he manonpi qa waci tawapi kin en ekdepi, qa wowaci tawapi nina kdawastepi. Ho Bel-sazzar taoyate ob wakagapi qeya nina wicadatanpi icunhan tehipiya wicanape wan ecena wowa, wanyanke cin, on yushinyeya, qa nina inihan on cancan qa hupahu kin nunpin iciyapa, he iyecen tokata Wakantanka shinkda kte cin anpetu ibanke kin hehan waakipe yanka, tona waanagoptanpi shi qon hena anpetu ihanke kin en woyushinye tanka wanyankapi kte. Wicasa owasin inihanpi, qa cancanpi, cepupa, hupahu, iciyapapi naunjnapi kte.

Awecakehan wokokipe wowinihan tanka kta. Taku sice cin ayustanpi, qa iyopeiciya po, tokata kin wanna pteyena.

Anpao iyacupi owasin nape ciyuzapi,

Andrew McBride.

Leblanc, Neb., April 19th 1910
Anpao:

Koda taku wanjigji miyecidanin kta wacin (Mini-Waste) oyanke kin de nina cistinna tka en koska omniciye nina mihecap. B. C. U. koska omniciye qa (St. Andrews) omniciye henaos yuha skanpi, tka B. C. U. he nina tonana unskanpi, waniyetu kin de nina otebhe qeyas anpetu. Wakan iyohi mniciyapi mazaska eya kitanna ota kannapi \$119.15 hena kannapi qa ota aihdosotapi (Mini-Waste) tipi wakan en.

Candowankiyapi opetonpi \$54.25 hena on opetonpi hehan tipi wakan en taku wanjigji on aihdosotapi. Hehan deban B. C. U. koska omniciye oitancanpi de na eepi.

Itancan, Sam Sully.

Okihe, Joseph Walker.

Mazawanka, Stephen John.

Wowapi kaga, Charley John, dena token okihi waniyetu de litanonpi.

Wakantanka itokam onshiniciida ya unskanpi B. C. U. koska omniciye tona Anpao iyacupi hena owas wacekiye onyekshinyapi wacin nisunkapi wanji miye.

Sam Sully.

Pine Ridge, S. D.

Advent Station.

Anpao kin:

Mitakola, Tuwinihecin naunyaonpi shi tka lehanl omniciye unkitawapi etanhan tokel unskanpi hecina he waglotanin wacin kin heon wowapi kin le wakaga. Ho yunkan hekta Nov. 1909 hehan omniciye unkitawapi wiakesom Wakantanka etkiya wowaši econqonpi. Yunkan lehanl omniciye apiunkiyapi na lena koskalaka blihecap kin heon wotancan wicacupi. Yunkan hena wiakenom omniciye el unpi kta heon wicaglustanpi, lena eepi: Chas. Good V. Iron. Tunkanšilayapi; Luke Little Hawk, Iyokihe; Harry C. A. Them, Wowapi kaga; Albert W. Elk, Iyokihe; Paul Flying Horse, Mazaska awanyaka; Paul Three Star, Wamnaye; Chas. B. Hawk,

Woglawicakiya; Alex. Water, Iyapi awanyaka; Geo. Left Hand, Tiyo pa awanyaka.

Advent Station Winyan omniciye apikiyapi na lena wiakenom wowaši econpi kta glustanpi. Josephine C. A. Them, Unciyapi; Mary Sitting Holy, Iyokihe; Susie Bear Robe, Wowapi kaga; Jennie Three Star, Mazaska awanyaka; Emma Left Hand, Wamnaye.

Advent Station koskalaka unqonpi yunkan lehanl hena wana Wakantanka iwicakien, yunkan on etanhan cante masica tka wocekiye weksuya. Yunkan mitakolapi ake cantemawaste. Ho lena wiconi oihanke wanica ohiciyapi. Bessie Little Hawk, died March 18, 1910; Lizzie Little Hawk, died March 31, 1910; Thomas Clear, April 8, 1910. Ho le koskalaka kin tin kta itokab lecel woglaka, Ate cante sice shi yo. Wakantanka wicasa oyasin wasaglepi wan eunglepi ca he tuwa ehuni cana sam iyaye shi ye lo, ca ate ungnana wacani kin lo, tokša nišeya ate yau kte lo. Ho le koskala kin Thomas Clear eciyapi kin le ihanhan tokeya yin kta se atkuku kin iyapi ota on wokiyake na unyan Wakantanka ikiken. Ho yunkan wowapi wakan el wioiye wanji weksuya, Rom. 12: 15. "Tona wiyushkinpi kin om wiyushkin po, na tona eciyapi kin om ceya po." Mitakolapi, tona Anpao iyacupi kin wocekiye on unyeksupapi kta. Nitakolapi mawanji ye lo.

Harry C. A. Them.

Standing Rock,

Good Shepherd Church.

My Dear Anpao kin:

Taku wanji miyeciyaotanin kte lo. Ho eya kolapi maka owancaya Okolakiciye wakan yaunpi kin ablezap. Tona konishkapi na tawicuyatonpi hecin, nash tawicuyatonpi shi esa maka akan yanipi kin he tuwa hecon hwo. Wakantanka hecon we lo, taku on hecon kin he maka akanl ihanhan yahi na wowaši econ nišica ca heon yahi ye lo. Maka akan wicohan ota esa hena egnatona waste kin hena pabi niš ye lo, na tona sice cin hena aohommni econ niš ye lo; canke heon yahi ye lo, na heon ikan wan yupsagpica shi ca he yus tohan yahi ye lo. Hecceca eyas ekta ewacanui shi na taku sice cin ee iyotan yala kinhan Wakantanka wikan tawa kin le glaksa kte lo, canke he glaksa kinhan niyecinka wanišaka oyakihi shi ye lo, heon awanišiglaka po, na canku owotanla kin ole po, na oga caegle wacin un po; hecanonpi kinhan wiconi watešlake yecunpi kta eye lo; na hecanonpi shi ee kukuš wan taku šica ohan kahli eopa un kin iyecelya yaunpi kte lo, na heon takuni waste wanalakapi kte shi maka akanl yanipi kin el, na nakun Wakantanka tokiconze iyotanš lapi oyakihipi kte shi. Heon etanhan wicasa oyasin wicahukulya iciya po, na onshicila po, na taku niwašni wan cante iheye shi yo. Wanšpanica esa wamanon wacin shi yo. Tokša taku yacin kin hena niyate wanyake lo, na tanyan ecanon hecin nicicaju kte lo. Heon lena awacin po mitakuyepi. Na heon lena awanncinpi kte cin on taku unkokihipi kte cin yanke lo. Nicante kin ta-

ku oyasin cin eyas tanyan ableza yo, heon wacintanka yo, hecanon kin tanyan yani kte lo. Heon iyapi wanji ehake epin kte cin he lee. St. Paul Juda oyate kin kakishwicaye na hehe wicasa kin le tawacin hunke shi, na heon šicaya ohanyan un kin he wanna tanyan econ kecin na heon Jerusalem etanhan Jordan wakpa kagla ye na Damascus ekta wotanin waste oyakapi he takpewicaye esa ungnahanla wotanin waste ikan kin on kaška eglepi, hecel taku okihi shi.

Yunkan wanke lehanl heye lo, "Itancan he nituwe hwo." Itancan yuke cinhan he sholya ške heconhan nacece lo. Heon mitakuyepi itancan wanišipi kin tanyan econ po, hena ecanonpi shi kin tokša wotanin waste ikan kin on nicaskapi kin hehanl nakeya eciyapi kte lo. Heon ablezapi na tanyan econ wacin po. Tokša tanyan ecanonpi hecin hena otuya kte shi ca itancan kin wanyake lo. Ho mitakuyepi, koskalaka onshikela hemaca esa Wakantanka tokša wicasa iwanwicayake shi ye lo. Heon iyapi kin lena awacinpi tehike lo. Hecceca esa tuwa tiwahe tawa ohinnivan glahinte cin hecela lena yuha okihi ye lo. Ho hecetu we lo. Tona wowicake awacannipi hecin hena wicaka po.

Johnson B. Eagle.

[Concluded from first page]

Liberia, Africa ekta Yewicashiipi unkitawapi el oyate onse icagapi kta e Owayawa wikcemna zaptan sain shi e yuhapi, na hena iyoptapi kta ca wiakenonpa can mazaska koktopawinge wikcemna zaptan sanpa zaptan ayusotapi ece.

Hekta waniyetu wikcemna yamni qon Uganda, Africa ekta iyuha wakagapi oholapi na waonšilapi wanice qon, lehantu kinhan oyate kin 360.000 henakecapi, na hena etanhan okise isanpa Christian hecap. Hecel heciya Wakantanka toie kin he wowanikiye kta e wowasaka he tanin. Lecceca kin on Lakota oyate kin etanhan tona Christian hecap shi unpi kin he awacinpi waste.

Liberia, Africa ekta Yewicashiipi Bishop unkitawapi kin he Ha Sapa heca. Yunkan Bishop yuwakanpi ehantanhan wanna waniyetu wikcemna nonpa sanpa zaptan, qeyas Liberia el waniyetu wikcemna topa sanpa šaglogan wowaši econ un. Ieunwinš tehan wacintanka!

ANPAO - KIN:

REV. E. ASHLEY. - - - Editor
Rev. W. Holmes. - - - Assoc.

Anpao wotanin wowapi kin wi iyohina, wiyawapi anpetu tokaheya oca wowapi tokšun kin oga yewicakiciyapi ce. Wi akenom (one year) on kašpapi yamni kajujupi kta.

Wi šakpe kin kašpapi wanji sam okise. Ieupi shi itokab kdajujupi kta.

Wowapi askabvapi maša ana wanji qaiš nonpa owapi kin, mazaska eekiya. ANPAO KIN opeton okihihi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiyukiyapi qaiš ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY,

Cheyenne Agency, S. D.